

# INUIT ATAQATIGIIT INATSIARTUNI



UKA2024/15B

Oqaluuserisassap ullua: 23. Sept. 2024

Ateq Naggallu: Mariane

Paviasen Jensen

## **Naalakkersuisut Siulittaasuata Múte Bourup Egedep 2024-mi Inatsisartut ukiakkut ataatsimiinneranni ammaalluni oqalugiaataa**

### **Oqaaseqaat:**

Naalakkersuisut siulittaasuata ukiaanerani ammaanersiorlutit oqalugiaatinnut imartuummut Inuit Ataqatigiit sinnerlugit qujavugut.

Inatsisartut, Naalakkersuisullu maanna qilanaarluta ukiaanerani ataatsimeeqatigiinnerput allarteqqippoq, qanortoq tamatta inuiaqatigiinnut kiffartuusilluarluta ataqpeqatigiilluta suleqatigiilluarisa.

Inatsisiliortutut nalunngisarput tassaavoq, kikkut tamarmik nuannaarutissaannik sinaakusersuisinnaaneq ajornakusoorsinnaasartooq, taamaattorli partiittut assigiinngissuserput ilaatigut naapperiaasinnaasuseqarnermik ilaqartittarparput inuiaqatigiinnut pitsaanerpaamik anguniaqarnerput tassuunakkut aamma malugisinnaasaratigu.

### **Ilaqutariippassuit inuunerat:**

Pissutsit nutaat qanganitsikatareersimasut, Naalakkersuisut siulittaasuata aallarniutigalugit oqaatigai, inuiaqatigiit maannakkut killiffitsinni imaannaanngeqisumik killiffeqalersimasunik inooqateqarpugut

Angajoqqaarpassuit ullutsinni akisussaaffimminnik kivitiniarnerminnik ajornartorsiuteqarput, imigassamik ikiaroorartumik, aningaasanoorajunnermik atornerluinerup kingunerisaanik. Ajornartorsiutigut ukiorpassuarni

# INUIT ATAQATIGIIT INATSISARTUNI



ingerlaavartutut ittu kinguneri angajoqqaajusut akisussaaffimminnik  
pingaarnarpaamik kivitsisinnaajunnaarnerinik, persuttaanerit,  
suliartunngitsoornerit, napparsimalernerit, angerlarsimaffeerunnerit,  
kinguaasiutitsigut atornerluinerit, meerannguanummi allaat  
atornerlunneqartarnerinik kinguneqartartuupput ajornerpaamilli  
aqqusaarneqakkajuttoq imminut toquttarnerit amerlavallaat inuiaqatigiittut  
ajornartorsiutitut inuunitsinni aqqusaartorpagut.

Sulisartut akileraarutaanit akilersorneqartut annikigisassaangeqaat kommunini  
angajoqqaap akisussaaffimmik kivitsisinnaajunnaartut naliliinerisa  
kingunerisaannik aningaasartuutit qaffassissorujussuupput, milliartsit kr-nit  
affaanik ukiumut atortalersimavaat, uani eqqarsaatiginngitsoorsinnaangisarput  
tassaavoq meeqqap angerlarsimaffiup avataanut inissinneqartup qanoq  
annertutigisumik ikilerneqaatigisaraa, inuunermilu sinnerani  
ikilerneqaatigisussaallugu angajoqqaat tassaapput meeqqanut akisussaassut,  
akisussaaffimmillu kivitsiniarnerminni ajornartorsiorunik pisortanit  
ikiorneqarsinnaanermik pisinnaatitaaffeqartut, pisinnaatitaaffilli taanna  
atorniarunikku aamma namminneq pisussaaffeqarnertik aalluttariaqarpaat.

Inuit Ataqatigiinni isumaqarpugut pisortanit ikiorserneqarnissamik  
utaqqiinnartunngorsimasut amerlavallaalersimasut inuiaat amerlanneqisugut  
nunarujussuarmi najugaqartitsertuusugut atukkagut assigiinneqaat ataaserli  
assigiimmik ingerlaffigisinnaasarput tassaavoq ikiorneqarnissamik  
pisariaqartitsigaanni saaffissarpaalussuaqarmat, ikiortissarlu utaaqqiinnarnagu  
nammineq aamma iliuseqarnissamut inuttut ataasiakkaattut  
pisussaaffeqarnerput akisussaaffittut tigusariaqaratigu.

Oqanngilanga kikkut tamarmik akisussaaffimminnik kivitsisinnaanngitsut,  
innuttarpassuaqarpugut nersortariaqartunik kinguaasiorlutik ulluinnarminni

# INUIT ATAQATIGIIT INATSISARTUNI



unammillernartunik qaangiilluarlutik suleqatigiilluartartunik, taakkunungalu qujassutissaqarluarpugut, nunatsinnummi kivitseqataalluarmata.

Inuiaqatigiit aqqissuusaanitsinni nunatta karsianiit inunnik isumaginninnermut, pinaveersaartitsinnermut pitsaaliuvinermut katsorsaanernut aningaasaliinerit annertuut ingerlattaraluarpagut, isumaginninnikkut sullissisut ullumikkut pisinnaanertik tamaat sullissinnerminnik ingerlatsipput, sulisitagut ilungersuasunut ilaalluinnarput, qanorluunniit sullissisoq sulilluartigigaluaruni suliassarpasuit angummaffigisinnaasai aamma killeqarput.

Nassuerutigisariaqarparpulli nunatsinni inuiaqatigiit killiffiat imaannaangeqisoq aamma imaaliallaannarlugu qaangerneqarsinnaangimmat, suleqatigiinnikkut anguniagaqatigiinnikkut, akisussaaffimillu tamatta kivitsinissatsinnik piomassuseqalernitsigut ajornartorsiutit qaangerniarlugit ilungersoqatigiilluta sulissuteqarnikkut aatsaat qaangeriartorneqarsinnaapput.

Qinittatullu uagut maani tamatta issiasugut tassaavugut inuiaqatigiit atugaannik pitsanngorsaaqatigiittussanngorluta issiatitaasugut, maligassiuvisuugut iliuutsigullu akisussaassuseqartumik pissuseqarluta ingerlannissaannut pisussaaffeqarpugut, uagut maani sullisisuusugut suleqatigiissinnaangikkutta inuiaqatigiinnut sunniuteqarnerluttussaammat.

Nunatta avataanniit pissutsinit sunnersimaneqarnerput annertuvoq, ukiuni kingullerni annertuumik pissutsit nunarsuatsinni ingerlaartut uagut sunnersinnaarpiangisatta ingerlanerini nioqqutissat akii qaffasissorujussuannngorsimapput naak aningaasaqarnitsinnut siunnersuisoqatigiit oqaatigigaluaaraat nunatsinni eqqugaanerput nunanit allanit annikinnerusoq, nunaqatigiit annertuumik malinnaaniapiloornitsinnik kinguneqarpoq. Qinigaaffimmi uani nioqqutissat eqqussuunneqartut akitsuutaanik arlaqartuni piiagaluarpagut, nunattali avataanniit isumalluuteqarujussuarnitta kinguneranik sunnerneqarsimajuarsinnarput,

# INUIT ATAQATIGIIT INATSIARTUNI



nunaqarfinni illoqarfinnilu mikinerusuni annermik inuuniutigisinnaasat  
nalimmakkunnaavissimapput, taamaammatt nuannaarutigaarput  
akileraartarnikkut aqqissuuseqqinneq ingerlanneqaleramat.

Inuit Ataqatigiinni pingaartitatta ilagaat inuit tamavitta naligiimmik  
pineqarnissarput assigiinnik pisinnaatitaaffeqarnissarput,  
periarfissaqartinneqarnissarpullu, nunatsinni ajornartorsiutitta ilagaat  
naligiinnginnerujussuaq, allaat namminersorlutik oqartussa tsuliffeqarfiutaanni  
tamanna naammattuugassaavoq , taakkunani amerlanerpaat tikisitanik  
pisortaaneqartitserput, qaffasissorujussuarmik aningaasarsiaqartinneqartarput,  
illua'tungaani nunatsinni sulisartoq sulinermik inuussutissarsiuteqartut  
kattuffiani ilaasortat akissarsiaat tikisitaniit annikinnerujussuupput.

Naalackersuisugut pissutsit taamak ittuuneri qiviarlugit iliuuseqarfigalugit  
sulissuteqarlik naligiinnginnermut annertuumik annertoqqutaasut  
pissusissamisuumngitsutut isikkullit iluarsivigineqartariaqarput.

Uagut nammineq inooriaatsitsinnut naleqquttunik malitassanik  
sanarfisariaqarnerput tusartualersimasarput timalersorlugu  
ingerlattariaqarparput. Naammaqatigiinneq, naligiisitaanneq nunatsinni  
tamanut periarfissat assiigiisitaartut pisariaqarluinnarput.

Sulisussanik pisariaqartitsiffitsinni inuiaqatigiit pisariaqartitaat malillugit  
ingerlatsisariaqarpugut. ineriartorneq tamatsinnut pitsaasusilik angussagutigu.  
Piffissaq tikisitanut nalimmassartuarneq illua' tungaanut saattittariaqarparput  
tikisitagut suliartortitagut uagut inooriaatsitsinnut ileqqutsinnut, oqaatitsinnillu  
atuisinnaalernissaminnut piaarnerusumik nalimmassartariaqalerput.

## **Utoqqaat:**

Aap uani qinigaaffimmi utoqqartatta pisartagaat annertusiallatsipparput,  
inatsisartunilu ilaasortat siunnersuuteqartarnerisa kingunerisaannik

# INUIT ATAQATIGIIT INATSISARTUNI



aappaqarneq aappaqannginnerluunniit apeqquataatinnagu  
utoqqalinersiaqartitsisarneq anguarput, aammattaaq utoqarnut  
inatsiseqalernissamik siunnersuuteqarnerup kinguneranik ukiaq manna  
inatsisissatut siunnersuummik suliaqartussanngorpugut. Neriullaateqarluta  
Inuit Ataqatiginni utoqqaat atugarisaat pitsanngorsaaqataaffigissallugit  
suleqataaffigissagissallugit qilanaarpugut. Utoqqaalli pisariaqarteqisatta  
pisariaqartittaannik sulinerput tassunga killeqartissanngilarput utoqqartagut  
amerliartorput pisinnaasalippassuit, piginnaasaqarluarlutillu, sulerusuttunik  
peqarpugut taamaattorli ajornartorsiut tassaavoq utoqqartagut sulileraangamik  
pisartakkaminnik ilanngartuuneqalersarneri, taamaalilluni sulinissaminnut  
tunuarsimaalersarput. Taamaattorli sulisinnaagaluit killilersortutullusooq ilillugit  
malitassaliortoqarsimavoq, utoqqartagut misilittagartuut, ajoraluartumik  
nunanut allannut nuullutik utoqqalinissartik qinertarpaat, oqinnerusumik  
inuuneqalernissartik angorusullugu. Nunani allani inooriaatsip  
eqqutiinnarneqarsimasup kingunipiluisa ilaattut taaneqarsinnaavoq, uagut  
inooriaatsitinnut tulluurtumik malitassaliortariaqarpugut tasanilu utoqqartagut  
suli tunniusaqarsinnaalluurtutut misigisut mattusimannaarsinnaanngilagut.

## **Peqqinnissaqarfik:**

Peqqinnissaqarfipput assorujussuaq ajornartorsiorpoq, peqqissaasunik  
nakorsanillu amigaateqarpugut, isorliunerusuni Narsami, Nanortalimmi,  
Qaanaami, allanilu aalijangersimasumik nakorsaqarniarneq ajornartorsiutaavoq,  
pissutsit arlaqarsinnaapput siullertut akissarsiatigut inissisimaneq  
ajornartorsiutaavoq, peqqissaasut ilinniarsimasut nunaqqatigisatta allaat  
maanna inuunerilersimavaat piffissami sivikitsumi piffimmut  
aalijangersimasumut suliarortarneq, paasitinneqarnerput naappertorlugu  
pissutaasoq tassaavoq aningaasarsiaqarnerusarneq, nakorsaqarniarnikkullu  
ajornartorsiutitta ilagivaat illoqarfiit mikinerusut Narsatut ittuni nakorsap  
kisimiilluni qaammaterpassuarni sulisussaatitaalernissani ulloq unnuarlu

# INUIT ATAQATIGIIT INATSISARTUNI



piareersimajuarluni sulisalernissani tupinnanngitsumik ornigineq ajoraa, naak illoqarfik najorusukkaluarlugu.

Taamaamat sulinermi atugassarititaasut peqqinnissaqarfimmi sullissisunut atuuttut nunatsinnut sullissisunullu tulluurtunik aaqqiivigineqartariaqartut ilagaat. Peqqinnissaqarfiup sullissiniarnermini ilungersualluni atorfilittat sulerulukkaluit angummassinnaanera ajorsiaruinnarpoq.

Illua'tungaani aamma qiviannngitsoorsinnaangilarput tamavitta maani najugaqartugut peqqinnissaqarfimmut qanoq oqilisaasisinnaanerput, naartuersittarnerpassuit, aangajaarniutinik atonerluinerpassuit, peqqinnanngitsumillu inooriaaseqarnerup kingunipilui peqqinnissaqarfiup tamaasa kivinniarlugit sulariniartarpaat, tamatta ataasiakkaarluta peqqissutsitta, nakkutigilluarneratigut peqqinnissaqarfimmut iluaqusiisinnaanerput atortariaqarparput. Taamaattorlu peqqissaasutut, nakorsatut ilinniarsimasut tamaviisa atorfissaqartikkaluarpagut, ilinniagaqareerlutillu nunatsinnut utinngitsoortartut inissaqarniarnikkut ilaqtariittut inooriaaserilersimasamikkut, pitsaasusilimmik aaqqiisoqarnissaa pisariaqartitarpaat suli manna tikillugu iluarsivigineqannginnera uggornartorujussuuvoq. **Nunat avannaarlerni ajornartorsiuteqarneq.**

## **Nunanit allanit pineqarneq/Suleqateqarneq:**

Nunanik allanik suleqateqarnissaq pinngitsoorsinnaangilarput, suleqatigiissutissaqaaloqaagut, silap pissusiata allanngoriartornera nunat inerisarluarsimasuniit annertuumik pilersinneqartoq ,nunarsuaq tamakkerlugu Nunap inoqqaavisa inooriaasiannik annertuumik sunniuteqarnerluppoq. Inuit Ataqtigiiinniit pingaarteqaarput silap pissusiata allanngoriartorneranut akiuviniarnernut suleqataanissarput, naak nunatsinni erngup nukinga atorlugu nukissiuutinik atorluaagaluaqaluta, nutaamik pilersitsinissaq

# INUIT ATAQATIGIIT INATSISARTUNI



siunnerfiginikuarput, pioreersullu ataatsip annertusarneqarnissaannik aalijangiinikuulluta sulili suliassat annertupput.

Nunat avannarliit siunnersuisoqatigiiffianni ilaasortaalernerma kinguneranik nunatsinniit aallartitatut nunatulli allatulli periarfissinneqarluta, pisinnaatitaaffeqarnissarput sulissutigaaara, maannakkutummi nunasiaatitut immikkoortitaalluta inissisimanerput, ullutsinnut tulluanngilluinnarmat. Nunani allaniit nunatta qanoq pingaaruteqartiginera maluginiarneqarlualereersimavoq, tamannalu periarfissattut pitsaasutut atorlugu nunatsinnut iluaqutaanerpaasussamik angusaqarniarluta qinikkatut suleqatigiinnissarput pisarialerujussuuvoq, nunanut allanut periusissiaq partiit amerlanersaasa isumaqatigiissutaat isumalluaatissalerujussuuvoq.

Pinngortitaq avatangiiserlu paarilluarniarlugit suliniutigineqarsinnaasunik allanik suliassaqarpugut, anartarfiit kuutiinartakkat nunatta ilangaatsiaani amigaataapput, anartarfiit, imerlu atoriigaq imartatsinnut kuutiinnarneqartarnerat ullutsinnut naleqqukkunnaavissimasoq nassuerutigalugulu pitsaanerusumik sulissuteqarnissamik nunatsinnut tulluartumik ujarlertoqarsinnaanera piareersarfigilereersimasariaqaraluarparput. Piniartortagut savaatilittagut aalisartortagut ukiuni makkunani silap pissusiata allanngorluinnarnerata kingunerisaanik inuussutissarsiutigisaminnik unammillernartumik inissittalernerat akiorniarlugu periarfissanik atorfissaqartinneqartunik pineqartut peqatigalugit pilersaarummik pisariaqartitsivugut.

Inuit Ataqatigiinni imminut pilersornerulernissamik asuliinnaanngitsumik anguniagaqarpugut, naalackersuisuutitaqarlutalu taamaattorli oqartariaqarpugut imminut pilersornerulernissamik aqcutissat oqinnerusut ujartukkagut suli naalackersuinikkut pilersaaruteqarfigineqarnerat iluamik

# INUIT ATAQATIGIIT INATSISARTUNI



tusarfiginnginnatigit ilungersunartutut oqaatigisariaqaratigit.  
Neriorsorneqarpugulli ukiaq manna pilersaarut saqqummissasoq.

## **Ilinniartitaaneq Atuartitaanerlu:**

Meeqqat atuarfianni naammassinnittartut naammaginartunik  
angusaqarsimanngitsut aammalumi naammassinngitsoortartut suli  
amerlavallaarput, siunissami Majoriaq atuinnaarsinnaangikkipput  
isumaqarpugut, nunatsinnut pitsaanerpaamik meeqqat  
atuarfeqartinneqartariaqarput, atuarfiullu iluamik naammassilluarnissaanni  
ilinniartitsisut pinngitsoorsinnaangisaat tassaavoq angajoqqaannik,  
oqartussaasunillu suleqateqarnissaq, meeraq ilivitsoq akisussaasut  
tamarmiullutik atuarfimmi avatangiisai suleqatigiilluarpata angusai  
pitsaanerussapput, nuannaarutigaarput ilinniagaqarlutik ingerlasartut  
naammasisaqartartullu, ilinniagaqarlunili aningaasatigut atugassarititaasut  
imaanaangissinnaasarput, killiffitsinnili aamma ilisimaarilluinnarparput  
inuusuttut ilinniagaqalernissamut piareersimanngitsutut misigisimasut  
amerlammata, periarfissaqartinneqartariaqartut taakkulu  
aqqutissiuunnissaannut piaartumik pisariaqartitsivugut. Atugassarititaasunik  
aammalu aningaasarsiaqartitsinikkut, pitsanngorsagassanik peqarluarpoq.  
Oqartoqartarnera meeqqat atuarfiat ilinniarnernerlu akeqanngitsut ilumuunngilaq.

## **Aningaasanik isaatitsissutissat nunattalu iluani aningaasanik uninngatitsiinnarsinnaaneq.**

Nunatsinni aningaasarsiorfigilluagaraarput aalisarneq, pikkorluffigisarput  
tassaavoq avammut niuerneq, assersuutissaqqissuuvoq imeq inuunermi  
pinngitsoorneqarsinnaangitsoq nunarsuartsinni amigaataaqisoq kuuginnarpoq,  
ukiorpassuarnilu oqallisaajuarluni nioqqutigineqartariaqartoq, sulili tassunga  
killinngilagut, nunatta iluani nerisassiaq pitsassuit avammut annerusumik  
nioqqutigisariaqarpagut, immitsinnut aporfilersuinnartutullusooq



# INUIT ATAQATIGIIT INATSISARTUNI



pissusilersuinnarluta maanga killippugut, periarfissat ammapput  
Naalaakkersuisugullu nunanik allanik isumaqatigiissusiornerat  
isumalluarnartuuvoq, neriulluarnartooq qanortoq tassuunakku iluatitsilluarisa.  
Suummi tamangajaasa nunatta avataaniit tikisiortuinnarsinnaanngilagut,  
taamaaliornitigummi nunatsinni aningaasat kaaviaartitassarigaluagut nunatta  
avataanut aniatinnavippagut.

Inuit ataqatigiit isumaliortaasitsinni nunatta pisuussutaat tassaapput nunatta  
inuisa tamattaalluta iluaqutissagut, Aalisarneq, Aatsitassarsiorneq,  
Takornariaqarneq, sanaartorneq, imeq nioqqutissiarineqarsinnaasullu allat  
tamaviisa inuiaqatigiit pitsaanagerusumik iluanaarutigisariaqarpaat  
nammineerlutik suliffeqarfimmik aallartitsiniartut amerliartorusaarput,  
periarfissaanillu ikiuvisinnaasut pilersiororneqarnerat neriummik aamma  
pilersitsipput.

Aatsitassarsiorneq unaminartuuvoq taamaammat qinigaaffik manna  
aatsiassanut inatsimmik allanngortitsinerput Inuit Ataqatigiiniit  
nuanaarutigaarput, tassuunakkummi iluanaaruteqarnerusinnaaneq  
innuttaasullu illersorneqarnerat annertunerulermat, ajuusaarnaqutigiinnarpaa  
siusinnerusukkut akuersissutinik pissarsereersimasunut inatsit siornatigut  
atuuttoq atuutinnartussaammat. Inuit ataasiakkaat aatsitassarsiorsinnaanerat  
ammaaffigaarput tasanilu aamma isumalluarpugut, inuiaat imminut  
napatissinnaanerat annertusarneqarpoq.

## **Kommunit innuttaasut sullinneqarnerat:**

Inuit Ataqatigiiniit maluginiarluarparput innuttaasut kommuninit  
sullinneqarnerminnik ajornartorsiuteqartut, kommunit sullissiniarnermikkut  
ajornartorsiuteqarnerat ilungersunartorujussuartut oqaatigisariaqarparput,  
pisortat innuttaasuminnut pisinnaatitaaffiit naappertorlugit  
sullissisussaataapput, atorfilittaqaarnikkulli ajornartorsiuteqarnerat

# INUIT ATAQATIGIIT INATSISARTUNI



amigaateqarnerat, malugiagassaavoq imaannaanngitsoq piaartumillu iliuuseqarfigineqartariaqartoq. Naalakkersuisut kommuninilu qinikkat qinnuigaagut ajornartorsiutip aaqqiivigineqarnissaa nukingiullugu sullisigeqqullugu.

## **Innarluutillit:**

Innuttaasut assigiinngisitaagaagut ilaatigut takuneqarsinnaasumik innarluuteqartoqarpoq ilaatigullu ersinngitsumik innarluuteqartoqarluni, qujanartumik innarluutilinnut illersuisup sulilluarnera maluginiarluarparput, tusagassiutitigut tusagarput innarluutillit inatsisiliuuneqarnerat nuannaarutaagaluarpoq taamaattorli sullissisuvinniit suli inatsisissatut siunnersuut pitsanngorsagassaqaqisoq paasivarput.

## **Inissiat:**

Inuusaatsip eqqunneqarsimasup kingunerisaannik, inissianut atortussanik sunik tamangajalluinnarnik nunatta avataanniit tikisitsinersuaq atuutilernikuuvoq, pikkoriffiginerusariaqagarput tassaavoq nunatta iluani atortussianik inissialiornermut tunngasunik atorluanaanerunissaq, nalunaarusiortitsinikuuvugut inatsisartuni taasumalli kinguneqartinnissaa maanna piffissanngorpoq, aatsitassaateqaqaluta oqaluinnaavippugut, taakkunungali soorlulusooq nunami allamiuvinnarnik isumalluuteqarluta utaqqiinnartugut, taamattuaannarsinnaanngilagut nunatta namminerisaminnik aatsitassarsiorfeqalernissaa sulissutigisariaqarparput inissialiortitsernermullu ujaraaterpassuagut atorluarnerusariaqarparput. Inissiat ukiorpassuarni akimikkut nikisinneqartarsimannginnerat maanna kingunipilutsipparput oquttut, ussiitsut, aserfallassimaqisut innuttaasunut najugaritinneqartut naammagiinnarneqarsinnaanngillat, inissiat akiisa qaffanneqalernerat isumaqatigiissutaasoq isumaqatiginanngikkaluaqisoq iliuusissatuaasutut isikkoqarpoq inissiammi iluarsartuuneqartariaqartut amerlavallaarput,

# INUIT ATAQATIGIIT INATSIARTUNI



taamaattorli isumaliornangitsuunngilaq inissianik nutaanik sanasoqarnerani namminersornerullutik oqartussat pisinerini ilumut akit naleqquttut sanaartorsimasumut akiliutigalugit akilertarneraat? Uggornaqaarlu inissianik akit qaffanneri ilutigalugu inissianut tapiissutaasartut ilanngullugit suliarineqannginerat.

## **Ineriartorneq:**

Pissutsit nutaattut taakkartorlugit ineriartorneq illoqarfinni anginerni malunnarluartuuvoq, allaanerungaarporli illoqarfinni mikinerusuni, nunaqarfinnilu, taakkunani uagut najugaqartuusugut ineriartorneq ilaatigut kinguariartornermik taasariaqarsorinarsisarpoq, ilungersunarpoq kommunerujussuannngortinneqarnerup kinguneranik kommunimi ataatsimi qanoq atukkat ineriartortitsinerlu nikingatigisut inooqataaffigalugit, pisortat suliffeqarfiutaat matoorarneqarput innuttaasut pisariaqartitaat naappertorneqarpallaaratik, Inuit ataqatigiinni isumaqarpugut illoqarfiit inoqarfiit tamavimmik pingaaruteqartuusut, taamaammat inuussuttunut inissianik sanaartorneq ingerlanneqarpoq tulleriaarinerli pisariaqarsimavoq Illoqarfiit mikinerit ineriartortinneqarnissaannut innuttaasut pisinnaasaat, piunasaallu aallaavigalugit sulinissaq pisariaqarpoq, pisortat kisiillutik suliffissanik pilersitsiortorsinnaanngillat, innuttaasut peqataasariaqarpoq periarfissagissaartinneqarnerusariaqarlutillu, maanna suliffinnik aallartitsiniaraluit aporfinnik amerlasuunik aqusaagaqartinneqarsinnaasarput, qujanartumilli aamma suliffeqarfinnik aallartitsisartunik ingerlalluuartunillu inuiaqateqarpugut pisortanik isumalluuteqannguaratik ingerlarsulereersimasunik. Periarfissat isumassarsiamiit aningaasarsiulernissap tungaannut nunaqqatigiinnut naleqquttut pilersijortorneqarneri neriuutissaqalersitsipput.

## **Namineq kajumissutsiminnik suliniuteqartartut:**

# INUIT ATAQATIGIIT INATSIARTUNI



Inuiaqatigiit amerlanneqisugut nunarujussuarmi najugaqartuusugut pikkoriffitta ilagaat nunaqqaterpassuagut ulluinnarni namminneq kajumissutsiminnik suliaqartarnerat, taakku pinngitsoorsinnaangilagut aammalu amerlanerusut pisariaqartippagut, taamatullu sulisunut qamangavik qujavugut.

Siulitta atugarinngilluinnarsimasaannik allaniit tикиneqarsimanitta inuusaatsittalu allanngortinneqarsimanerata kingunerisaannik innuttaaqaterpaalussuagut ajoraluartumik suliffinnik paarsisinnaangitsuupput, naliginnaasorujussuannngornikuuvoq akissarsiffiup nalaanni sulinngitsoortarneq, suliffeqarfiit matuinnartariaqartarneri atugaalereernikuuvoq, meeqqat meeqqerivimmit angerlartiinnarneqartartut tusartalereernikuuagut, atornerluineq imigassamik ikiaroonartumillu nunatsinni atugaasorujussuuvoq. Suliffinnilu atugarissaarnerunissaq, aningaasarsiaqissaarnerulernissarlu kattuffinniit sukataarullugu sulissutigineqartariaqartoq nalunangikkaluaqaaq.

Inuup nammineerluni inuunini akisussaaffigaa, ikiortariaqarluni misigisimaguni saaffissaqartussaavoq, ajoraluartumilli aamma tusarsaasarpog ikiortissarsioraluaannarsimasarnerit kinguneqanngitsoorsimasut, taamallu pisoqartarnera akuerineqarsinnaangilaq.

Pisinnaatitaaffeqarpugut aammali pisinnaatitaaffitta malitsigisaat tassaapput pisussaaffiit, nakkaannartaqattaarneq akilersinnaangilaq, akisussaaffik ilinniippoq, inuunivit qanoq ingerlannissaa aalijangigassat ilinniipput. Nunarput tamavitta sullinniartigu ajornartorsiutit aqquasaagassaapput ataavartiinnarniarukkilli uninngatiinnarsinnaavatit kisiannili aamma periarfissaqarpoq alloriaqqinnissamut.

Aap qinigaaffimmi uani allannguisarnerit ingerlappagut, taamaattorli suli suliassarpassuaqarpugut, suliassalli iluatsissappata innuttaasut pinngitsoqaratik aamma piumassuseqarlutik suleqataasariaqarput. Taamaattorli

# INUIT ATAQATIGIIT INATSIARTUNI



assigiinngissuserput suli naligiinngitsorujussuarmillu atugassaqartitaanerput suli annertuumik suliassaavoq. Assigiinngissuserput nukittoqutitut atugassaavoq tamatta nunami maani atorfissaqarlutalu suleqatigiissinnaanerput ersarissarnerusariaqarparput aporfiit piarneqartariaqartut amerlapput naaperiaasarnissamut nukigit atorlugit inuiaqatigiit tamattaalluta kivitseqatigiittariaqarpugut.

Inuit Ataqtigiit tassaavugut partiit anginersaat oqaluttuarisaanermilu aatsaat aappassaa maanna siuttuulluta, oqaluttuarisaanermilu siuttunngornerit aappassaanni misigaarput aningaasarpassuarnik nunatta karsianiit ujaasisariaqarneq ukiorpassuarni oqartussaaffimmik tigummisimasut aaqqissimanngisaanik inatsisartulli aalajangiiffigisimasaanik ilaatigut aningaasaliisariaqartarluta, ilungersuutit amerlapput anguniakkavulli angusarpagut suleqatigiinnikkut. Innuttaasut atugaasa oqinnerulernissaat suliarisariaqarpoq.

Naalackersuisut siulittaasuat "Tikikkujaallu Qallunaat eqqullugu inuusertik" oqaluttuap taasumap aammaaqinnginnissaa suliassaavoq annertoq, isumassorneqartariaqartulli pitsaasusilimmik sullinneqarnissaat qulakkeertariaqarparput.

Qujanaq.